

摩訶般若波羅蜜多心經

觀自在菩薩，行深波若波羅蜜多時，照見五蘊皆空，
度一切苦厄。舍利子，色不異空，空不異色，
色即是空，空即是色，受想行識，亦復如是。
舍利子，是諸法空相，不生不滅，不垢不淨，
不增不減，是故空中無色，無受想行識，
無眼耳鼻舌身意，無色聲香味觸法，
無眼界，乃至無意識界，
無無明，亦無無明盡，乃至無老死，亦無老死盡，
無苦集滅道，無智亦無得，以無所得得故，
菩提薩埵，依般若波羅蜜多故，心無罣礙，
無罣礙故，無有恐怖，遠離顛倒夢想，究竟涅槃。
三世諸佛，依波若波羅蜜多故，
得阿藐多羅三藐三菩提。故知般若波羅蜜多，
是大神咒，是大明咒，是無上咒，
是無等等咒，能除一切苦，真實不虛。
故說般若波羅蜜多咒，即說咒曰：
揭諦揭諦，波羅揭諦，波羅僧揭諦，菩提薩婆訶。